

大字
足本
陳修園醫書四十八種

三星書店發行

S2942/46-2

1751

1P3

省中醫藥學會書簽

11-187 $\frac{3}{24}$



行之常。散者仍其散之常。充者仍其充之常。血循經常之道路。則無吐衄崩下之病矣。千古無一人談及。祭於高士宗引而不發處。細繹斯論。大為快事。身熱脈大者難治。身

涼脈靜者易治。若喘咳急而上氣逆。脈見弦緊細數。有熱不得卧者死。

一外感吐血。先見頭痛惡寒發熱等症。必取微汗則愈。宜香蘇飲加荊芥穗。錢丹皮白

芍各一錢五分。三十

一夏令秋令感暑氣燥氣而吐血。方治見咳嗽門不贅。

一內經云。不遠熱則熱至。血溢血泄之病生矣。凡人不避暑熱及過食煇炙之物。以致血

熱妄行。宜四生丸。百一

一瘀血而吐。必先胸痛。血色必紫或黑而成塊。脈必滯濇。宜四物湯加醋炒大黃。桃仁丹

皮。香附各一錢五分。如紫血盡。鮮血見。即用六君子湯加當歸調之。九鼓拳心法

一傷寒及溫病應發汗而不汗之。內熱蓄血。及鼻衄吐血不盡。內餘瘀血。大便黑。面黃。宜

犀角地黃湯。九十

一高鼓峯心法。於血症獨精。其云除瘀血與傷寒外。其餘俱屬七情饑飽勞力等因。必見

惡心。驗症分明一味固元湯主之。方用人參炙耆歸身甘草煨薑大棗白芍水煎服。血症最

繁。以一方統治。胡念齋深服之。胡念齋云。補藥可用。溫藥亦須急加。附桂炮薑隨宜。

一仁齋直指謂陽虛陰必走。大吐大衄外有寒冷之狀。可用理中湯加南木香。或甘草乾

薑湯其效更著。又有飲食傷胃。胃虛不能傳化其氣上逆。亦能吐衄。亦宜上二方。余用甘草乾薑湯。其乾薑炮黑。加五味子二錢。甚效。從慎柔五書得來。

一內經云。血氣者。喜溫而惡寒。寒則滯而不流。溫則消而去之。此數語。為治血之要旨。所

以楊仁齋高鼓峯方法神驗。即張景岳用熟地一兩。澤瀉附子牛膝各一錢五分。肉桂

一錢。炙甘草二錢。水煎服。名為鎮陰煎。方雖駁雜。而溫藥較多。亦能奏效。

一褚氏遺書云。血雖陰類。運之者其陽和平。陽和二字。指心肺而言。其心肺之陽宣和。如

日月一出。燭火無光。凡諸般邪熱之氣俱除。血無所擾。則循行常道矣。運之者三字。更

妙。血不自運。必藉氣以運之。既已運矣。則隨衝任而行於經絡。散於脈外。充於皮毛。有

經常之道。可行何至妄行而為失血之症耶。諸家俱贊此二句之妙。絕未能發明其旨。

甚矣醫道之難也。高鼓峯雖未能悟到此旨。而固元湯與之暗合。慎柔和尚以保元湯

為主。亦不過取黃耆補氣以生血。而亦與此旨暗合。合之則效速。二公所以名噪一時

也。余於此千慮一得。不敢自秘。

保元湯

七煨薑 三片 黑棗二枚 慎柔方無肉桂有

當歸補血湯 六

一血症有不宜剛燥之劑者。或血虛煩渴燥熱。睡眠不甯。五心煩熱。宜聖愈湯 八

一舌上出血如孔鑽者。煎香薷汁服。外用槐花炒研。摻蒲黃灰亦可。摻之。齒齦血出。用

生竹茹四兩。醋浸一宿。含之。牙縫出血。以紙絛蘸乾蟾酥少許。於出血處按之。立止。

滿口齒血出。枸杞子為末。煎湯漱之。然後吞下。根亦可。鼻衄。用生茅花或根一兩。

煎服

以上症或統用甘露飲

八十

滋腎丸

九十

一血淋尿血用苧麻根十枚水煎服。又用海螵蛸乾地黄赤茯苓各等分為末每服三錢以柏葉車前子煎湯下。又用亂髮燒灰用麝香少許用米醋溫湯調下。如痛不可忍以藕汁蘿蔔汁白蜜調下。又房勞兼小便尿血宜鹿角膠半兩沒藥另研油頭髮繩各三錢為末茅根汁打麵糊丸如梧桐子大每服五十丸鹽湯下。

一下血先便後血為遠血用竈中黃土八錢甘草生地白朮熟附子阿膠黃芩各一錢五分水煎服名黃土湯。下血先血後便為近血宜赤小豆三兩浸令出芽晒當歸二兩共為末以漿水服一錢五分日三服名赤小豆當歸散。二方俱出金匱。

一大便下血不止諸藥不效者宜濟生烏梅丸

六十

一皮膚血汗宜郁李仁去皮研二錢以鵝梨汁調下。又用人中白焙乾入麝香少許溫酒調服立效。又用六味地黃湯加五味一錢麥門冬川續斷各二錢。

一諸竅出血宜頭髮敗棕陳蓮蓬各等分俱燒灰研每服三錢木香湯下。

一婦人血崩審其寒熱虛實照以上諸方擇用。若脫血之頃不省人事大汗不止者宜參附湯貧者以當歸補血湯加熟附子二三錢

一百零五

一大吐大衄大崩之症血若稍止急用獨參湯服服後聽其熟睡切勿驚醒則陰血復生矣。

癲狂癰

癲者癡呆之狀。哭笑無時。語言無序。其人當靜。狂者罵詈不避親疎。其人常動。癇者忽然猝倒無知。口角流涎。手足抽掣。或作五畜聲。數刻即愈。愈後即如平人。作止有間。斷所以名癇也。皆痰火為病。而癇病多由胎中受驚。一觸而發也。治宜調中。補北瀉南。不必過求奇險。脈實者吉。沉細者凶。

一前症屬於實痰實火者。宜滾痰丸。六十

一肝火之為害。非泛常之藥所可療。時賢葉天士獨得其秘。急用當歸蘆薈丸。每服三十

丸。一日兩三服。不可遲疑敗事。九十

一前症屬虛者。宜磁砂丸。六十 二加龍骨湯加鉛丹二錢。或再加阿膠三錢。二十

此二方神妙。非可以思議及者。

一前症既愈。即宜以和平之劑收功。宜硃砂安神丸。八十

消渴

口渴不止為上消。治以人參白虎湯。食入即饑為中消。治以調胃承氣湯。飲一溲一為下消。治以腎氣丸。趙養葵大變其法。謂治消無分上中下。先以治腎為急。以六味丸料一斤。入肉桂一兩。五味子一兩。水煎六七碗。恣意冷飲之。熟睡而渴如失矣。白虎承氣皆非所宜也。喻嘉言曰。腎者胃之關也。關門不開。則水無輸泄而為腫滿。關門不闔。則水無底止而為消渴。金匱腎氣丸。蒸動精水上承君火。而止其下入之陽光。彼症取其開。此症取其闔。一

開一閤。具通天手眼。子和詆之。何其陋也。又白茯苓丸治腎消。方用白茯苓覆盆子黃連
括萎根草薢人參熟地黃元參各一兩。石斛蛇牀子各七錢半。雞胍脰三十具。微炒共為
細末。煉蜜和搗三五百杵。丸如桐子大。每服三十丸。食前磁石湯送下。喻嘉言治驗。加犀
角一兩。又以六味丸加犀角收功。按此與八味地黃丸一陰一陽相為表裏。皆為神方。
脈宜數大。忌虛小。

傷食

傷食病。必有胸悶吞酸噯腐腹脹腹痛等症。宜平胃散加麥芽穀芽山查神麴蘿蔔子消
之。或以所傷之物燒灰加入為引導。如初傷時食尚在膈。服此湯以手探吐。如傷之已久
腹滿拒按。宜三一承氣湯下之。愈後服香砂六君子湯加乾薑調養。若無吞酸噯腐等症。
但見頭痛惡寒發熱。是外感症。切不可誤用消導之品。致外邪陷入。變症百出。傷寒不禁
食。故桂枝湯啜粥。是開章第一義。讀仲景書自明。西北之人。一遇頭痛惡寒發熱之症。便云
有食。卽服神麴山查等藥。往往誤事。余為活人計。不得不大聲疾呼也。脈滑而實。時
書以右關之上為氣口。謂氣口緊盛傷於食者妄也。

張景岳云。偶病之人。多有非食而疑食者。曰某日曾食某物。或某肉某麪。其日卽病。醫者
不論虛實。但聞此言。且見胃口不開。必先治食。夫未病之人。誰有不食。豈必預為停食以
待病至者。斯可信其無食乎。及其病也。則或因勞倦。或因風寒。或因七情。病發不測。而且



無脹無滯。與食何干。藥不對病。而妄行剝削。必反增病。此斯道之莫須有也。由此推之。則凡無據無證。而妄行胡猜者。皆其類也。良可慨矣。

黃履素

著折肱漫錄

云。五穀皆養補脾氣之物。一煨成炭。反能消食者何。蓋火能軟堅。化物燼

從火化故也。諸炭能消食。亦能傷脾。功用不減於山查神麴。不可忽之。以為食物而多服常服也。愚按。今人用白朮炒焦。不知其傷脾。地黃燒炭。不知其傷腎。當以先生之言正之。

瘧疾

寒熱往來有定候。一日一發者邪淺。二日一發者邪深。三日一發者邪更深。先寒後熱者為順。先熱後寒者為逆。自子至午發者為陽。自午至子發者為陰。單寒無熱者名牡瘧。為純陰病。單熱無寒者為瘧瘧。為純陽病。瘧病因勞而發者。名勞瘧。因食而發者。名食瘧。更有鬼瘧。為祟病。瘧瘧是感嵐氣而成。種種不同。總以少陽一經為主。以少陽居陰陽之界。偏陰則寒多。偏陽則熱多。陰陽俱病。則寒熱等。單寒單熱。為陰陽偏造其極。即祟瘧瘧瘧。亦陽氣之虛。正虛不能勝邪。內虛不能禦外。脾胃之陽虛。不能熟腐水穀。俱不離少陽一經。

瘧脈自弦

浮弦表邪。滑弦痰飲。

沉弦裏邪。洪弦屬熱。

遲弦屬寒。實弦食積。

久瘧之脈

漸緩則愈。吐散雙弦。

弦緊則殆。代散莫救。

初起俱宜小柴胡湯。一日一服。五日必愈。方中柴胡一味少則用四錢。多則用八錢。切不可少。此一味神農推為上品。久服延年益壽之藥。自李東垣及李時珍之書行。此藥之真面目漸掩。張景岳新造五柴胡飲為散劑。更屬無知妄作。流毒非輕。凡初起無汗。

去人參加桂枝三錢。服後食熱粥。溫覆微似汗則愈。未愈再服之。有利無弊。切勿惑於淺人之說。若發熱甚汗不出。可加麻黃三錢。如病家惑於邪說。牢不可破。卽以杏仁紫蘇防風各三錢。代麻黃。服後溫覆微似汗。不用食粥。上下午瘧不必過分。惟以寒多者屬陰盛。加桂枝三錢。生薑宜倍用之。或再加吳茱三錢。單寒無熱者。亦用此法。或去黃芩。再加熟附子三錢。熱多者屬陽盛。加知母貝母各三錢。汗多而大渴大熱者。加生石膏五錢。麥冬三錢。粳米四錢。單熱無寒者。亦用此法。或再加知母三錢。先熱後寒者。名瘧瘧。治同。宜加桂枝二錢。是從金匱白虎加桂枝湯中做出。鬼瘧脈乍大乍小。加藿香二錢。以香為天地之正氣。正能勝邪也。天麻三錢。以天麻形如魁芋。有二十四子。周環於外。其苗名赤箭。取弧矢以示威之義也。瘧瘧加蒼朮藿香各二錢。食瘧以平胃散採入柴胡一味為君。融合二方為一方。卽前人複方法也。勞瘧是虛人不能耐勞。而病瘧宜小柴胡原方去半夏加括蕒根二錢。或佐以補中益氣湯。一切瘧疾口渴。俱去半夏加括蕒根以生津液。凡一切瘧疾。欲急於取效。俟三發之後。以小柴胡湯加常山三錢。寅時服。渣再煎。於辰時再服。如吐任其吐去痰涎自愈。時醫惑於俗傳本草謂常山是截瘧猛藥。邪未盡而強截之。多變他病。此無稽之臆說也。蓋常山從陰出陽。為透邪外出之良藥。仲景用其苗名為蜀漆。今人用其根。何當是強截之藥。一久瘧不愈。及三陰瘧三日一發者。諸藥不效。惟以白朮一兩。或二兩。加生薑五七錢。水

煎一杯於寅時服之渣再煎於上午再服如熱多者以當歸一兩餘代白朮如脾腎

兩虛諸藥不效者用近效白朮湯一日兩服服到十日必愈

附經也中有三陽交於膽三陰交於脾三陽之瘧治膽三陰之瘧治脾句真是名言可佩此君若得名師益友而講論之將來為醫中一巨擘恨未晤其人

一初病瘧世稱胎瘧纏綿難愈與痘疹之症本於胎毒無異宜六君子湯加草果烏梅或

合小柴胡湯

一久瘧不愈不必治瘧只以六君子湯補中益氣湯兼吞桂附八味丸調理半月無不痊

愈今醫俱遵景岳法用何人飲休瘧飲方中以何首烏一兩為主據云中和之道其實

苦濇之品不能養人余屢見久服此藥多變出腫脹等病學者不可不知

痢疾

下利穢濁膠粘似膿似血小腹隱痛欲便不便裏急後重是也舊說偏寒偏熱主補主攻

皆不可拘執惟所列死證數條緣時醫治不得法流連致死或過信前醫之說棄而不治

坐視其死余目擊心傷日夜焦心從內經仲景言外之旨及散見於各條之下一一體認

而參以所治之症大有所悟藥到病瘳厥效彰彰可紀請先言救逆之道而次及恆法

一醫書云脈沉小者易治脈浮大者難療又云發熱不休者死此遵內經腸澼一論孰一

不通之過也余別有所悟脈浮為表邪浮而兼大是表邪侵於陽明之界而下利仲景

有葛根湯等治法發熱不休非感冒風寒即是經絡不和宜用桂枝湯當歸四逆湯祛



風寒以調經絡人參敗毒散加老米名倉廩湯亦是此意但藥方輕薄不能速效耳夫
抵初病治法發熱惡寒者香蘇飲加防風川芎以取微汗則愈重必用桂枝湯當歸四
逆湯之類若寒熱往來多嘔者必用小柴胡湯若熱多而口渴者小柴胡湯去半夏加
括蕒根主之若發熱不惡寒裏急後重者以葛根黃芩黃連甘草湯照古法先煎葛根
後煎諸藥日服二三劑必愈若用痢門方如芍藥湯之類其邪無不陷入發危者余深
恨倪氏痢疾三方為救人之具

一醫書云腹痛不休者死按其治法不過用木香檳榔砂仁及消食行滯之品安能以救
死症若果消渴口中熱胸腹脹滿堅實而拒按為實症三承氣湯可以擇用或以三一
承氣湯代之若果不渴口中和脈遲小而無力或手足冷腹痛而喜按為虛寒症非四逆
湯不可若腹痛而下利重滯者再加白芍三錢如腹痛不止虛煩而喜按脈弦者為肝
邪起土宜小建中湯服一時許即以小柴胡湯去黃芩加白芍藥繼之神效

一醫書云下痢純白者死下痢如屋漏水者死按其治法不過用阿膠地榆槐花蒼朮之
類安能以救死症如果下奔鮮血口渴便短裏急後重脈盛者為火症宜白頭翁湯一
日兩服虛人及產後加阿膠甘草亦有下鮮血而非火症者若血帶黯而成塊者屬熱
者少屬寒者多俱宜從脈症細辨之若口中和脈細小便長手足冷者屬虛寒無疑宜
以理中湯加竈心土八錢主之下血多者宜間服黃土湯一日二服三日漸愈蓋以脾

胃如分金之爐。理中湯分其清濁。是治其本源也。屋漏水卽血水之黯滯不稠者。爲虛寒症。誤用寒涼。攻破所致。若見咽痛。語言無序。半日必死。亦用理中湯救之。

一醫書云。能食者輕。不食者重。絕食者死。發嘔者死。蓋不能食。有食滯。卽宜以平胃散加消導之藥。若脾胃虛弱。卽宜用香砂六君子湯。及理中湯。健脾以運胃。又有辨於其微者。不飢而不思食者。是脾病。宜以上二方。飢而不能食者。是肝病。宜烏梅丸。至於絕食頻嘔。卽是噤口痢。丹溪用人參石蓮肉黃連煎湯。入生薑汁。徐徐呷之。只認作濕熱上衝之症。故不效。宜參上諸法治之。若食入卽吐。不利於香砂橘半者。宜用乾薑黃連黃芩湯。苦辛以開拒格。若胸滿而吐。及乾嘔吐涎沫者。宜吳茱萸湯。溫鎮以和土木。其效如神。凡心下痞滿。從仲景三瀉心湯。及厚朴生薑甘草半夏人參等湯。擇用如神。一醫書云。婦人新產卽發痢者死。余放金匱白頭翁湯。加甘草阿膠之例。可知產後宜照病用藥。毫無顧忌。又云。小兒出痘後卽發痢者死。余以爲不盡然。大抵產後失於過溫致死。痘後失於過寒致死。俱因病而藥之。不必泥於一說。

恆法

一痢疾無外症惡症。但見裏急後重。便膿血者。三日內俱宜芍藥湯。

六十

一痢疾腹中撮痛。或下血片。及噤口惡痢。諸藥不效者。宜斗門秘傳方。

七十

一痢疾不論新久。以陳米湯送下香蓮丸二錢。一日三服。極驗。至於久痢。以四君子湯六

君子湯補中益氣湯十全大補湯送下。法本薛氏多效。

一久痢諸藥不效。審其為虛脫不禁。無餘邪者。宜真人養臟湯。五十

一久痢流連不愈。愈而又作。名為休息痢。是兜瀉太早。餘邪未盡。宜羊脂四錢。白蠟三錢。

黃連末三錢。白蜜八錢。烏梅肉炒研末二錢。血餘灰三錢。煎攪為丸。丸如桐子大。以米

飲送下三十丸。日三服。此孫真人法也。又有服補中益氣湯不應。反下鮮紫血塊者。

此久風成瘕泄。風氣通於肝。肝傷不能藏血也。宜玉屏風散。去白朮倍防風。如是活葛

根升麻主之。玉屏風散。六十

一洞泄寒中。注下水穀。赤痢白痢。食已即出。食物不消者。宜聖濟附子丸。七十

時疫

修國新訂

程山齡云。時疫之症。須知有來路兩條。去路五條。何謂來路兩條。疫有在天者。在人者。如

春應溫而反寒。夏應熱而反涼。秋應涼而反熱。冬應寒而反溫。非其時而有其氣。自人受

之。皆從經絡而入。或為頭痛發熱咳嗽。或脰腫發頤大頭風之類。斯在天之疫也。若一人

之病。染及一室。一室之病。染及一鄉。以及閭邑。病氣穢氣。互相傳染。其氣從口鼻而入。其

見症增寒壯熱。胸膈飽悶。口吐黃涎。乃在人之疫。以氣相感。與天無涉。所謂來路兩條者

此也。夫在天之疫。邪從經絡入。寒多者治以辛溫。宜五積散。熱多者治以辛涼。宜九味羌

活湯。審其氣虛不能作汗者。宜人參敗毒散。熱甚格邪不作汗者。宜防風通聖散。若發頤

南京中醫藥大學圖書館藏

及大頭症。是風火相乘而為毒。宜防風通聖散。加牛蒡子、金銀花、桔梗、貝母、瓜蒌仁之類。俾邪從經絡入者。仍從經絡出。此以發汗為去路也。在人之疫。邪從口鼻入。或香蘇飲加玉竹、川芎、忍冬。或神朮散加葛根、蔥頭。或藿香正氣散之類。俾其從口鼻入者。仍從口鼻出。此以解穢為去路也。至於經絡口鼻所受之邪。傳於陽明之經。則為自汗。大渴、大熱、斑黃等症。宜甘露飲生其津液。以為勝邪回生之本。甚者必用人參、白虎湯。以清陽明散漫之熱。此以清火為去路也。如入於胃腑。則為譫語發狂、大便實。小腹拒按等症。宜三一承氣湯下之。或內有實熱。外有實邪者。宜防風通聖以兩解。此方疫症第一良方。用之得法。不論新久。頭頭是道。此以攻下為去路也。復有虛人患疫。或病久變虛。或誤治變虛。須用四物湯。四君子湯。補中益氣湯等。加減。此以補養托邪為去路也。要之疫症必從大汗而解。人壯者不戰而汗。人虛者必戰慄而後大汗。汗未徹者。俟七日後而又作汗。以上五法。該於發汗一法之中。散邪是發汗正法。而穢濁之氣襲經絡。不以辛香解之。則汗不出。火邪內燔。血乾津涸。非清火則陰氣不滋。而汗不出。胃氣壅塞。不攻其實。則濁氣不解。而汗不出。汗由液化。其出自陽。其源自陰。非補養陰陽。則氣血不充。而汗不出。此發汗一法。為治疫大關頭。有汗則生。無汗則死。若治之失法。或涸其汗源。或強迫使汗。皆枉其死。可不慎哉。未汗宜陽脈忌陰脈。已汗宜陰脈忌陽脈。

避疫法

避疫之法。惟在節慾節勞。仍勿忍飢以受其氣。膽為中正之官。膽氣壯。則十一經之氣。賴以俱壯。邪不能入。醫統云。男人病邪。氣出於口。女人病邪。氣出於前陰。其對坐之間。必須識其向背。或以雄黃塗鼻孔中。從容察位而入。

暑症

潔古謂動而得之為中熱。靜而得之為中暑。暑陰而熱。陽未免稱名不正。蓋夏日炎炎。人觸之則生暑病。即為中熱。無非動以得之。他若畏熱求涼。涼襲於外。則為發熱。惡寒頭痛。項強等症。宜九味羌活湯以散之。涼中於中。則為吐瀉腹痛。宜理中湯以溫之。若兼煩躁。則間用涼水調下。大順散。病雖作於暑月。不得以暑病名之也。大抵暑症辦法。以口渴煩心。溺赤身熱。脈洪而虛為的。輕者為傷。以六一散蕩滌熱氣。從小便而泄。若暑熱閉鬱而無汗。必用香薷飲發越陽氣。微上微下。解表兼利。小便則愈。重者為中大渴大汗。宜白虎加人參湯主之。或汗出身熱。而兩足冷者。是暑而挾濕。宜白虎加蒼朮湯主之。若中暑昏悶不醒。並伏暑停食吐瀉。用半夏四兩醋煮。茯苓甘草各二兩。共為末。以生薑汁為丸。如菜豆大。每服五六十丸。開水送下。若昏憤不醒者。研碎灌之立甦。此孫真人之神方也。有暑丸為暑症第一神方至於生脈散。清暑益氣湯。為暑傷元氣而立。或預服以却暑。或病愈後以收功。非暑病正方也。六一散五香薷飲四清暑益氣湯九生脈散七

濕病

時方妙用

卷三

辨疫法暑症濕病

二



濕有從外入者。有自內得者。陰雨濕地。皆從外入。其症頭重腰冷。一身盡重。冷漿衣果。皆自內得。其症泄瀉腹脹。腸有水氣。淋濁痰飲。然外濕亦可漸入於內。內濕亦有浸漬於外。失此不治。則鬱而為熱。變症多端。不可不察。

濕脈多緩。

是急緩非和緩

浮大者易治。

沉細小者難醫。

一內外濕。總方宜二陳湯加蒼朮白朮羌活主之。

外濕加紫蘇防風猪苓澤瀉乾葛木

瓜主之。內濕加木通澤瀉砂仁木香。食積加山楂麥芽枳實。寒濕加乾薑。濕熱加黃連。

黃芩。熱輕者只用連翹。

檳榔時噉亦妙。

八十

一受濕腰痛。其痛冷重沉著。如帶五千錢。宜腎著湯。

八十

一白濁不止。為濕熱下注。婦人白帶亦然。宜萆薢分清飲。

如婦人白帶。加半夏芡實苡

仁黃柏生白朮主之。

八十

一傷濕一身盡痛。不可轉動。宜一味白朮酒。

八十

一蒼朮多脂易蠹。而治濕。與蠶蠹死於風。而治風。鹽皮動火。製成阿膠而降火。俱是造物

妙處。即大易所謂同氣相求。內經所謂衰之以其屬是也。蓋濕邪在人腸胃。原自不安。

一得蒼朮氣味。便與之合。一氣從汗出。味隨水穀下行。先誘之而後攻之也。

頭痛

大抵暫痛為邪。久痛為虛。邪則分寒熱而除之。虛則審陰陽而補之。然亦有久痛為邪所



南京中醫藥大學圖書館藏

纏新痛因虛而發者當因脈證而辨之 脈浮滑者生 短濇者死

一傷寒六經俱有頭痛太陽痛在腦後必連項強宜九味羌活湯加葱白三根

在額前必連目眶宜升麻葛根湯 少陽痛在側必兼兩脇痛多嘔宜逍遙散去白朮

加半夏黃芩川芎 太陰無頭痛然濕土動而生痰亦為頭痛宜二陳湯加製南星蒼

朮川芎 少陰頭痛脈細但欲寐宜五積散加細辛附子 厥陰頭痛如破乾嘔吐涎

沫宜吳茱萸二錢人參一錢五分生薑四錢大棗四枚水煎服名吳茱萸湯

一火邪頭痛火盛者宜竹葉石膏湯加減方見傷寒如火勢輕者只用辛涼之品火鬱發

之之義也宜加味逍遙散加葛根二錢酒炒黃柏一錢薄荷五分

一氣實有痰或頭重眩暈用大黃酒炒三遍為末茶調三錢服此釜下抽薪之法也

一偏頭痛宜二陳湯偏在右者加沙參二兩酒炒黃芩黃連川芎防風製南星之類偏在

左者加當歸一兩川芎白芍白芷柴胡防風之類

一氣虛頭痛宜補中益氣湯少加川芎蔓荊子之類

一血虛頭痛宜四物湯倍川芎加黃柏知母少加蔓荊子細辛之類

鹿茸五錢水酒各半煎

一眉稜角痛宜半夏六錢生薑三片水煎調沉香末五分服

一真頭痛痛甚腦盡痛手足寒至節不治然不忍坐視其死急灸百會吞黑錫丹

一腎虛頭痛諸藥不效宜六味湯去丹澤加枸杞三錢炙甘草細辛各一錢川芎二錢肉
蓯蓉三錢五分如命門火虛者用八味湯加減如上法十四

一蒸法最效方用川芎半兩晚蠶沙二兩殭蠶如患者年歲之數以水五碗煎至三碗就
砂鍋中以厚紙糊滿中間開錢大一孔取藥氣薰蒸痛處每日一次雖年久者三五次
永不再發

瘰癧

普明子曰瘰癧者肝病也肝主筋肝經血燥有火則筋急而生瘰癧多生於耳前後者膽
之部位膽與肝相表裏其初起即宜消瘰癧丸消散之不可用刀針及敷潰爛之藥若病久
已經潰爛者外貼普救萬全膏內服消瘰癧丸並逍遙散自無不愈更宜戒惱怒斷煎炒及
發氣開氣諸物免致膿水淋漓漸成虛損患此者可毋戒與

新採消瘰癧丸此方奇效治愈者不可勝計予亦刻方普送矣

元參蒸牡蠣服醋貝母去心蒸共為末煉蜜為丸每服三錢開水下日二服

愚按普明著醫學心悟一書逐末亡本用之鮮效惟此方平淡而神奇當共寶之但耳
前後為少陽部位渠云肝之部位者誤也故改正之

眩暈

內經云上虛則眩又云腎虛則高搖髓海不足則腦轉耳鳴皆指不足而言仲景論眩以